

ქალაქ ბათუმის მუნიციპალიტეტის საკრებულოს

განკარგულება №

ქალაქი ბათუმი \_\_\_\_ სექტემბერი, 2024 წ.

**ქალაქ ბათუმში, ცოტნე დადიანის ქ. N1-ში მდებარე მიწის ნაკვეთზე N05.30.25.016  
განაშენიანების დეტალური გეგმის კონცეფციის დამტკიცების შესახებ**

საქართველოს ორგანული კანონის „ადგილობრივი თვითმმართველობის კოდექსი“ მე-16 მუხლის მე-2 პუნქტის „ე“ ქვეპუნქტის, 61-ე მუხლის მე-2 პუნქტის და საქართველოს მთავრობის 2019 წლის 03 ივნისის N260 დადგენილებით დამტკიცებული „სივრცის დაგეგმარებისა და ქალაქმშენებლობითი გეგმების შემუშავების წესის“ მე-19 მუხლის მე-2 პუნქტის შესაბამისად, ქალაქ ბათუმის მუნიციპალიტეტის საკრებულომ გადაწყვიტა:

1. ქალაქ ბათუმში, ცოტნე დადიანის ქ. N1-ში მდებარე მიწის ნაკვეთზე N05.30.25.016 დამტკიცდეს განაშენიანების დეტალური გეგმის კონცეფცია, თანახმად დანართისა.

2. კანონმდებლობით გათვალისწინებული მაკომპენსირებელი ღონისძიება განისაზღვროს საპროექტო მიწის ნაკვეთზე დაგეგმილი მშენებლობის (შეთანხმებული პროექტის მიხედვით გადამეტებული)  $კ^{1/2}$  მაჩვენებლის 10 %-ს ოდენობით საცხოვრებელი ფართობით ან იგივე ოდენობის სხვა მაკომპენსირებელი ღონისძიებით.

3. განემარტოს შპს „კომფორტშენს“ (ს/405346399), რომ იგი ვალდებულია განაშენიანების დეტალური გეგმის პროექტის (მეორე ეტაპი) ეტაპზე დაიცვას აჭარის ავტონომიური რესპუბლიკის ფინანსთა და ეკონომიკის სამინისტროს 2024 წლის 05 სექტემბრის N N 01-01-10/8235 წერილით დადგენილი მოთხოვნები.

4. წინამდებარე განკარგულება შეიძლება გასაჩივრდეს ბათუმის საქალაქო სასამართლოში (მის: ქალაქი ბათუმი, ზუბალაშვილის ქ. N30) მისი კანონმდებლობით დადგენილი წესით გაცნობიდან ერთი თვის ვადაში.

5. განკარგულება ძალაშია ხელმოწერისთანავე.

საკრებულოს თავმჯდომარე

რამაზ ჯინჭარაძე

**განმარტებითი ბარათი  
პროექტის სახელწოდება და სათაური**

**„ქალაქ ბათუმში, ცოტნე დადიანის ქ. N1-ში მდებარე მიწის ნაკვეთზე 05.30.25.016  
განაშენიანების დეტალური გეგმის კონცეფციის დამტკიცების შესახებ“ ქალაქ ბათუმის  
მუნიციპალიტეტის საკრებულოს განკარგულების პროექტი**

**ა) ზოგადი ინფორმაცია პროექტის შესახებ**

**ა.ა) პროექტის მიღების მიზეზი და მიზანი:**

**განკარგულების მიღების მიზანია ქალაქ ბათუმში, ცოტნე დადიანის ქ. N1-ში  
მდებარე მიწის ნაკვეთზე 05.30.25.016 განაშენიანების დეტალური გეგმის კონცეფციის  
დამტკიცება**

წარმოდგენილია შპს „კომფორტმშენის“ (ს/405346399) განცხადება განაშენიანების  
დეტალური გეგმის კონცეფციის დამტკიცების თაობაზე.

გეგმარებითი ერთეული –ქ. ბათუმი, ცოტნე დადიანის ქ. N1; 05.30.25.016.

საპროექტო ტერიტორია - –ქ. ბათუმი, ცოტნე დადიანის ქ. N1; 05.30.25.016.

საპროექტო მიწის ნაკვეთი წარმოადგენს სამშენებლო მიწის ნაკვეთს. პროექტით  
დაგეგმილია წარსული არსებული შენობა-ნაგებობების შემორჩენილი მცირე ნანგრევების  
ნაცვლად მრავალსართულიანი მრავალბინიანი საცხოვრებელი კომპლექსის განთავსება,  
რომელშიც საცხოვრებელი ბინების გარდა, განთავსდება საზოგადოებრივი  
დანაშენებლების ფართები, ასევე მიწისქვეშა ავტოსადგომები. დაგეგმილია ღია  
ავტოსადგომების, სათანადო ინფრასტრუქტურის, შიდა გზების და გამწვანების მოწყობა.  
გეგმარებით ერთეულში მოქცეული მიწის ნაკვეთის სამშენებლოდ განვითარებისათვის  
დაგეგმილია ქალაქმშენებლობის პარამეტრების ცვლილება, მათ შორის განაშენიანების  
ინტენსივობის კოეფიციენტის კ2-ის სიდიდის ცვლილება/გაზრდა დადგენილი 2,5-დან  
11,8-მდე, ასევე მაქსიმალური სიმაღლეების და სხვა პირობების განსაზღვრა.

ავტოსადგომების რაოდენობა: ავტოსადგომების რაოდენობა განისაზღვრება  
„ტერიტორიების გამოყენების და განაშენიანების რეგულირების ძირითადი  
დებულებები“-ს მიხედვით და დაზუსტდება ობიექტის საპროექტო დოკუმენტაციის  
დამუშავების შედეგად.

სიმაღლეები/სართულიანობა: სიმაღლე (მ) – 150 მ. o სართული - 45 სართული  
(მიწისზედა).

კომფორტმშენი ვალდებულია - კანონმდებლობით გათვალისწინებული  
მაკომპენსირებელი ღონისძიება კ2 კოეფიციენტის გადამეტებისათვის განსაზღვროს -  
საპროექტო მიწის ნაკვეთზე დაგეგმილი მშენებლობის (შეთანხმებული პროექტის  
მიხედვით გადამეტებული) კ<sup>1/2</sup> მაჩვენებლის 10 %-ს ოდენობით საცხოვრებელი  
ფართობით ან იგივე ოდენობის სხვა მაკომპენსირებელი ღონისძიებით.

ა.ბ. პროექტის ძირითადი არსი:

ქალაქ ბათუმში, ცოტნე დადიანის ქ. N1-ში მდებარე მიწის ნაკვეთზე 05.30.25.016 განაშენიანების დეტალური გეგმის კონცეფციის დამტკიცება

ბ) პროექტის ფინანსური დასაბუთება:

ბ.ა) განკარგულების პროექტის მიღებასთან დაკავშირებით აუცილებელი ხარჯების დაფინანსების წყარო: არ გამოიწვევს ხარჯებს.

ბ.ბ) პროექტის გავლენა ბიუჯეტის საშემოსავლო და ხარჯვით ნაწილზე - არ გამოიწვევს.

გ) პროექტის შესაბამისობა უპირატესი იურიდიული ძალის მქონე ნორმატიულ აქტებთან:

განკარგულების პროექტი შესაბამისობაშია უპირატესი იურიდიული ძალის მქონე ნორმატიულ აქტებთან

დ) პროექტის მომზადების პროცესში მიღებული კონსულტაციები, სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, სპეციალისტები, რომლებმაც მონაწილეობა მიიღეს პროექტის შემუშავებაში და მათი შეფასება პროექტის მიმართ (ასეთის არსებობის შემთხვევაში):

პროექტის მომზადების პროცესში კონსულტაციების არ მიღებულა

ე) პროექტის ავტორი:

ქ. ბათუმის მუნიციპალიტეტის მერიის ქალაქგანვითარებისა და ურბანული პოლიტიკის სამსახური.

ვ) პროექტის ინიციატორი:

ქ. ბათუმის მუნიციპალიტეტის მერი.

ზ) განმარტებითი ბარათის მომზადებაზე უფლებამოსილი პირის თანამდებობა, სახელი, გვარი და ხელმოწერა:

ქ. ბათუმის მუნიციპალიტეტის მერიის

ქალაქგანვითარებისა და ურბანული

პოლიტიკის სამსახურის უფროსი

გიორგი წანაწყენიშვილი